



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IV. Emendatur & explicatur Vigilij locus quo insinuat necessitatem  
constituendi Vicarij. Quæ emendatio confirmatur auctoritate ejusdem  
Vigilij.

**urn:nbn:de:hbz:466:1-15617**

## De Concordia Sacerdotij

I. PERAE preium fuit generalis epistolæ Vigilij ad Episcopos Gallicanos examen in hoc capite suscipere, velut divisione facta, ut epistolam illam, qua specialem quandam curam ac diligentiam desiderare videtur, quod multa contineat notata digna, per partes explicare possemus. Quod non adeo facile fuisset, si singulos quoque locos retulissent in capite superiori ad epistolam quæ data est ad Auxanum.

II. Primùm igitur adnotandum est vicariatum apostolicæ sedis Auxanio tribui, non solum in provinciis circum Arelatem positis, ut antea assolebat, sed etiam in provinciis quæ pertinebant ad regnum Childeberti. *Dilectissimi fratibus universis Episcopis omnium provinciarum per Gallias, qui sub regno vel potestate gloriissimi filii nostri Childeberti Regis Francorum constituti sunt, sed & his qui ex antiqua consuetudine ab Arelatensti consecrati sunt vel consecrantur Episcopo.* Veteres provinciæ quæ Arelatensti Episcopo subjectæ erant quo tempore Vigilius ista statuebat, haefuerunt, Viennensis, Alpes maritimæ, utraque Narbonensis, Hispania Tarracenis, nisi si ista tum distracta erat à corpore provinciarum quæ Arelatensti Episcopo parebant. Itaque ad has provincias accederunt, magna pars quartæ Lugdunensis, & in hac, Parisij, aliqua pars secundæ Belgicæ, Silvanectum nimirum & Bellovacum, integra Lugdunensis secunda, Britannia, & aliqua pars Aquitaniæ. Cum ergo nulla antea lege, nulla consuetudine istæ provinciæ pertinerent ad curam Arelatensti Episcopi, cui tamen imperium in illa tribui cupiebat Childebertus, & fieri istud non posset nisi per concessionem vicium sedis apostolicæ, necessarium omnino fuit adiri Papam Vigilium, qui Romanæ tum Ecclesia præsidebat, utilius decreto extraordinaria illa auctoritas, quæ provinciarum limites irrumpebat, in Arelatensem Episcopum conferretur. Et erat recens exemplum, si modò ista Gallis nostris nota erant, Archiepiscopi primæ Iustinianæ; qui nuper vicariatum apostolicæ sedis accepérat à Vigilio per sex provincias, juxta postulata Imperatoris Iustiniani. Quidni parem Arelatensti Episcopo intra Gallias auctoritatem conciliaret Childebertus?

III. Concessurus Auxanio vices suas Vigilius, primùm docet sibi in beato Petro commissam esse curam universarum Ecclesiarum, ut de pace & statu earum sollicitus sit. Hæc persuasio, quæ extat in epistola sancti Leonis ad Episcopos Metropolitanos per Illyricum constitutos, altius postea penetravit in animos Pontificum qui posterioribus

seculis Romanam cathedralm tenuerunt. Luber autem referre ipsa Leonis verba, ut etiam in hoc loco ostendamus Arelatensti Episcopi dignitatem efformatam fuisse ad exemplum privilegiorum Ecclesiarum Thessalonicensis. Sic ergo loquitur Leo de vicariatu Anatolij Episcopi Thessalonicensis: *Et quia per omnes Ecclesias cura nostra diffunditur, exigente hoc à nobis Domino, qui apostolice dignitatis beatissimo Apostolo Petro primatum fidei sua remuneratione commisit, universalem Ecclesiam in fundamenti ipsius soliditate constituens, necessitatem sollicitudinis quam habemus cum his qui nobis collegi caritate juncti sunt sociamus. Vicem itaque nostram fratri & coepiscopo nostro Anastasio commisimus.* Eadem cogitatione imbutus Vigilius, primùm sibi, ut diximus, in beato Petro commissam esse ait curam universarum Ecclesiarum, hinc vero descendit ad necessitatem constituendorum per provincias Viceriorum sedis apostolicæ, qui præsentiam Romani Pontificis repræsentent. Hæc sunt verba Vigilius: *Quantum nos divina potentia Apostolorum primi sedem, non pro nostris meritis, sed pro ineffabili sue misericordia pietate, habere constitutum, tantum nos de universarum Ecclesiarum dispositione, pace, & statu convenient effe sollicitos. quippe cum docto gentium dicas Apostolus: Infantia mea quotidiana, sollicitudo omnium Ecclesiarum. Quomodo ergo inter Domini sacerdotes sancta & Deo placita potest manere concordia, nisi ut se humani generis hostiæ antiqua nequitia confuetam Zizaniam scimicare voluerit, si qui absentiam nostram sedis apostolicæ vicibus perfirmando spirituali gratia representans, auferat certamen exortum?*

IV. Hunc locum retuli ex fide codicis regij. Nam omnino aliter habetur in editionibus: ubi pro sit qui absentiam &c. legitur, u qui absentiam nostram sedis apostolicæ vicibus perfirmando representat, auferat certamen exortum. Sed vulgatam lectiōnem non admittit sensus hujus loci. Nondum enim tributus Auxanio fuerat vicarius, qui illi tantum committitur in consequentiam istius argumentationis. Ait quippe Vigilius non posse aliter manere concordiam inter sacerdotes Domini nisi si sit aliquis qui vice sua componat iurgia & certamina quæ inter illos exoriantur; ea de causa concessisse vices suas Auxanio. Præterea hanc emendationem esse legitimam probatur etiam ex epistola ejusdem Vigilius ad Episcopos regni Childeberti de vicariatu Aurelianii Episcopi Arelatenensis, qui Auxanio succedit. Etenim eodem argumentandi genere usus Vigilius ait: *Ita enim inter sacerdotes Domini potest pax super omnia Deo placita cufodiri, si fuerit qui vicum nostrum auctoritate subnixus, personam nostram in Gallia*

Vide u. c. Carolum le Coine ad ann. 511. §. 56.

Vide infra cap. 21. §. 9. & cap. 29. §. 5.

Vide infra cap. 47. §. 2.

ram partibus presentans, secundum consuetudinem à nostris decessoribus attributam sapienti & sollicita indagatione custodiens, si quam humani generis hostis antiquus Zizaniam inter Dei famulos nequitia consueta seminarit tentaverit, sapientie sue moderamine adhibitis sibi fratribus & coepiscopis nostris iustitia Deo placita scandala orta submoveat.

V. Addit ergo post ista Vigilius: Quapropter Auxano fratri & coepiscopo nostro Arelatensis civitatis antistiti vices nostras caritas nostra nos dedisse cognoscat; ut si aliqua, quod absit, contentio fortassis emergerit, congregatis sibi fratribus & coepiscopis nostris causam canonica & apostolica integritate discussiens, Deo placita equitate definiat. Quo loco revocanda mihi est memoria eorum quae in proximo capite dicta sunt de judiciis Episcoporum, nimur sic vices suas Auxanio commississe Vigilium ut nihil illi soli licere in hoc voluerit, cunctaque agi præscriperit in conventu provincialium Episcoporum. Causas verò majores sic commitit Auxanio ut ei necessitatem imponant mittendi relationem ad apostolicam sedem: Contentiones verò si que, quæ Dominus auferat, in fidei causa contigerint, aut tale emergerit fortè negotium quod pro magnitudine sui apostolice sedis magis iudicio debeat terminari, ad nostram discussa veritate perferat sine dilatatione notitiam.

VI. Sequens istius Vigilius epistolæ caput pertinet ad celebrationem Conciliorum Diocesos Gallicanæ. Sed antè quam Vigilius verba referamus, non inutile erit hec observasse illum in ista constitutione securum esse ordinem quem sanctus Leo præscriperat Anastasio Episcopo Thessalonicensi. Nam cum supra adnotaverimus in istius potestate & mandatis ferme cuncta contineri quæ sequentibus seculis aut mandata Legatis sunt aut ab illis præsumpta, adnotaverimusque præterea Arelatensem antistitem sedis apostolice per Gallias Vicarium factum esse ad exemplum potestatis quæ Thessalonicensi Episcopo tributa erat per Illyricum, par eft ut comparisonem eorum instituamus ubi occasio tulerit. Sic enim fiet ut lectors plenè intelligent parem intra Gallias Arelatensisibus Episcopis auctoritatem tributam fuisse ac Thessalonicensibus intra Illyricum. Edixerat itaque Leo vicariatum Anastasi Thessalonicensis Episcopi constituens, ut ad synodum quisquis Episcoporum ab Anastasio foret evocatus occurreret, nec sancta se congregationi denegaret. Definierat præterea, ut quisquis Episcoporum superbo animo, cum nulla corporis vel causæ foret necessitate detenus, fratrem saepius veller vitare conventum, se sciret esse judicandum. Nunc

Tom. II.

ergo Vigilius ait, tanquam suis verbis reddere destinasset sensum verborum Leonis: Et quia necesse est ut apud Deo propitiante temporibus ab Arelatensi Episcopo, qui nostris vicibus fungitur, quotiens judicaverit expedire, pro facienda consolatione communis Episcoporum debeant congregari persone, nullus inobediens ejus forte mandatis se à congregazione suspendat, nisi aut corporalis infirmitas aut iusta causa cum excusatione venire prohibeat. Tum edicens uti qui justam ob causam non accesserit ad synodum, Presbyterum aut Diaconum pro se mittat, injecta mentione promissionis Christi, quise pollicitus est futurum in medio eorum qui in nomine ejus congregati essent, addit: Quid ergo se estimat subiurum qui Deo odio superbia in illa congregazione interesse contemnit in qua se Dominus noster ad futurum pia promissione denuntiat? Odiosa illa superbia, quam contumacibus illis Episcopis objicit Vigilius, est is ipse superbus animus quem in Illyriis Episcopis damnat Leo. Ceterum hunc Vigili locum edidimus ex fide ejusdem codicis regij, in quo legitur multò emendator quam in editionibus.

VII. Postremum caput epistolæ Vigilius respicit necessitatem accipendarum formatarum ab Episcopo Arelatensi. Qua de re cum multa jam à nobis dicta sint, quæ, nunc repeti non est opus, transeamus ad Aurelianum, qui post Auxanum fuit Arelatensis Episcopus & sedis apostolicae Vicarius per Gallias. Falluntur autem, ut recte observatum est à Saxio, qui putant Aurelianum non statim successisse Auxanio. Sed hæc non sunt instituti nostri.

### CAPUT XXXVIII.

#### Synopsis.

I. Aurelianus succedens Auxanio, fit Vicarius Apostolicae sedis, secundum venustum consuetudinem. Generalem pro hac causa epistolam ad Episcopos Gallicanos dedit Vigilius secundum morem.

II. Aurelianus sollicitus debona fama Vigilius, ille per legatum significavit qui sinistri rumores de illo essent. Iste, scripta ad eum epistola, fidem suam singulariter explicuit, simili illum admovens, ut illam in omnium Episcoporum Gallia nouitiam deducat. Evidentia ista sollicitudinem Ecclesiarum Gallicanarum fuisse tum penes Episcopum Arelatensem.

III. Aureliano succedit Sapaudus. Hunc statim Pelagius Papa vicibus apostolicae sedis ornauit secundum morem. Tum usum ei Pallij concedit, & privilegium formatarum confirmat.

IV. Datum id precibus Childeberti Regis, ut patet ex epistola Pelagi ad Childeberitum. Non meminit autem consensus Imperatoris pro concessione Pallij.

V. Admonet deinde Childebertum Pelagius honrandum esse Sapaudum propter apostolicam vicem.

P. ij

115  
116

116  
117

117  
118

118  
119

119  
120

120  
121

121  
122